

四庫全書

史部

欽定四庫全書

史部

欽定滿洲源流考卷

三五

翰林院編修臣謝墉覆勘

總校官編修臣程嘉謨

欽定四庫全書

欽定滿洲源流考卷三

部族三

百濟

一作伯濟

漢

後漢書三韓

另條見前

凡七十八國伯濟是其一國

焉

三國

三國志馬韓有伯濟國

晉

冊府元龜晉簡文帝咸安二年正月百濟遣使

貢方物六月遣使拜百濟王餘句

按百濟為夫餘王尉仇台

之後故以夫餘為姓諸史往往刪去夫字誤

為鎮東將軍領樂浪太

守孝武帝太元十一年以百濟世子餘暉為鎮

東將軍百濟王義熙十二年以百濟王映為使

持節都督百濟諸軍事鎮東將軍百濟王

通典晉義熙中以百濟王夫餘腆為使持節督百濟諸軍事

通考百濟即後漢末夫餘

另條見前

王仇台之後馬

韓五十四國百濟是其一也初以百家濟因號

百濟後漸強大兼諸小國晉時句麗既畧有遼

東百濟亦畧有遼西晉平

唐柳城北平之間

自晉以後

吞併諸國據有馬韓故地南接新羅

另條詳後

北拒

高麗千餘里西限大海處小海之南自晉代受

藩爵自置百濟郡

太平寰宇記百濟西限大海過海至越州處小
海之南南到海即倭國晉代受藩爵自置百濟
郡其人士著地多下濕率皆山居

南北朝

宋書高麗傳高祖踐祚詔曰使持節督百濟諸
軍事鎮東將軍百濟王映執義海外遠修貢職
惟新告始宜荷國休可鎮東大將軍持節都督

王公如故

宋書百濟國本與高麗俱在遼東之東千餘里
其後高麗畧有遼東百濟畧有遼西百濟所治
謂之晉平郡晉平縣義熙十二年以百濟王餘
映為使持節都督百濟諸軍事鎮東將軍百濟
王高祖踐祚進號大將軍少帝景平二年映遣
長史張威詣闕貢獻元嘉二年太祖詔之曰皇
帝問使持節都督百濟諸軍事鎮東將軍百濟

王累葉忠順越海效誠慕義既彰厥懷亦欵浮
桴驪水獻琛執贄故嗣位方任以藩東服勉勗
所莅無墜前蹤今遣兼謁者問丘恩子無副謁
者丁敬子等宣旨慰勞稱朕意其後每歲遣使
奉表獻方物七年百濟王餘毗復修職貢以映
爵號授之二十七年毗上書獻方物私假臺使
馮野夫西河太守表求易林占式腰弩太祖並
與之毗死子慶代立世祖大明元年遣使求除

授詔許之二年慶遣使上表曰臣國累葉偏受
殊恩文武良輔世蒙朝爵行冠軍將軍右賢王
餘紀等十一人忠勤宜在顯進伏願垂愍並聽
賜除仍以行冠軍將軍右賢王餘紀為冠軍將
軍以行征虜將軍左賢王餘昆行征虜將軍餘
暈並為征虜將軍以行輔國將軍餘都餘乂並
為輔國將軍以行龍驤將軍沐衿餘爵並為龍
驤將軍以行寧朔將軍餘流糜貴並為寧朔將

軍以行建武將軍于西餘婁並為建武將軍太
宗泰始七年又遣使貢獻

齊書武帝永明八年百濟王牟大上表曰寧朔
將軍臣姐瑾等四人振竭忠効攘除國難志勇
果毅等威名將論功料勤宜在甄顯今依例輒
假行職伏願恩慈聽除所假寧朔將軍面中王
姐瑾歷贊時務武功並立今假行冠軍將軍都
將軍都漢王建威將軍八中侯餘古弱冠輔佐

忠効夙著今假行寧朔將軍阿錯王建威將軍
餘歷忠款有素文武列顯今假行龍驤將軍邁
盧王廣武將軍餘固忠効時務光宣國政今假
行建威將軍弗斯侯又表曰臣所遣行建威將
軍廣陽太守兼長史臣高達行建威將軍朝鮮
太守兼司馬臣楊茂行宣威將軍兼叅軍臣會
邁等三人志行清亮忠款夙著往太始中比使
宋朝今任臣使冒涉波險宜在進爵謹依例合

假行職伏願除正達邊効夙著勤勞公務今假

行龍驤將軍帶方太守茂志行清壹公務不廢

今假行建威將軍廣陵太守

舊作萬今據前文改

執志

周密屢致勤効今假行廣武將軍清河太守詔

可並賜軍號除大為使持節都督百濟諸軍事

鎮東大將軍使謁者僕射孫副策命大襲其祖

父

梁書作父

牟都爵為百濟王是歲魏人又發騎數

十萬攻百濟入其界并大遣將沙法名贊首流

解禮昆木干那率衆襲擊魏軍大破之建武二

年遣使上表曰去庚午年

按庚午為齊武帝永明八年

檢允

弗悛舉兵深逼臣遣沙法名等領軍逆討宵襲

霆擊乘奔追斬僵尸丹野令邦宇寧謚實名等

之畧今假沙法名行征虜將軍邁羅王贊首流

為行安國將軍辟中王解禮昆為行威武將軍

弗中侯木干那前有軍功又拔臺舫為行廣威

將軍面中侯伏願天恩特愍聽除又表曰臣所

遣行龍驤將軍樂浪太守兼長史臣慕遺行建

武將軍城陽太守兼司馬臣王茂兼叅軍行振

武將軍朝鮮太守臣張塞行揚武將軍臣陳明

在官忘私蹈難弗顧今任臣使冒涉波險各假

行爵伏願特賜除正詔可並賜軍號

按此所載百濟人地

名有與滿洲語相近者若牟大當為穆丹韻也
弗斯當為富森滋生也牟都當為穆敦切磋之

磋也弗中當為法珠樹杈也又如沙氏解氏木
氏皆百濟大族其名如首流當為舒嚕珊瑚也

十那當為噶納往取也時
代雖遠尚亦有可通者耳

梁書馬韓有五十四國百濟其一後漸強大兼

諸小國其國本在遼東之東晉世據有遼西晉

平二郡自置百濟郡晉太元中王須義熙中王

餘映宋元嘉中王餘毗並遣獻生口餘毗死子

慶立慶死子牟都立都死子牟太

齊書作大

立齊永

明中除太都督百濟諸軍事鎮東大將軍百濟

王天監元年進太號征東將軍尋為高句驪所

破衰弱者累年遷居南韓

按弁韓在辰韓之南故史稱為南韓地

普通二年王餘隆始復遣使奉表稱累破白驪
今始得通好而百濟更為強國其年詔加寧東
大將軍五年隆死復以其子明為綏東將軍百
濟王所治城曰固麻中大通六年大同七年累
遣使獻方物并請涅槃等經義毛詩博士并工
匠畫師等敕並給之太清三年猶遣使貢獻
南史馬韓五十四國百濟其一也後漸強大兼
諸小國其國本與白驪俱在遼東之東千餘里

晉世據有遼西晉平二郡地自置百濟郡晉義
熙十二年以餘映為王宋元嘉七年百濟王餘
毗復修貢職以映爵號授之毗死子慶代立慶
死立子牟都牟都死立子牟大齊永明中除大
都督百濟諸軍事鎮東大將軍百濟王梁天監
中為高麗所破衰弱累年遷居南韓地普通二
年王餘隆始復遣使奉表稱累破高麗今始與
通好五年隆死復以其子明為持節督百濟諸

軍事綏東將軍百濟王其人形長太清三年遣使貢獻及至見城闕荒毀並號慟涕泣侯景怒囚執之景平乃得還國

冊府元龜宋高祖永初元年餘映進號鎮東大將軍文帝元嘉七年十七年二十年二十七年並遣使獻方物孝武大明元年七年並遣使朝貢順帝昇明二年壬午都遣使貢獻詔授使持節都督百濟軍事鎮東大將軍齊武帝永明八

年遣謁者僕射孫副策命年太為百濟王曰於
戲惟爾世襲忠勤誠著遐表海路肅澄要貢無
替式循彝典用纂顯命敬膺休業可不慎歟梁
普通二年詔加餘隆寧東大將軍詔曰守藩海
外遠修貢職乃誠款到朕有嘉焉宜率舊章服
茲榮命三年遣使貢方物五年以餘隆子明為
綏東將軍百濟王陳文帝天嘉三年以百濟王
餘明為撫東大將軍臨海王光大元年宣帝大

建九年後主至德二年四年並遣使入朝

魏書百濟國其先出自夫餘其民土著地多下
濕率皆山居延興二年其王餘慶始遣使上表
曰臣建國東極豺狼隔路雖世承靈化莫由奉
藩瞻望雲闕馳情罔極涼風微應伏惟陛下協
和天休不勝係仰之情謹遣私署冠軍將軍駙
馬都尉弗斯侯長史餘禮龍驤將軍帶方太守
司馬張茂等投舫波阻搜徑元津託命自然之

運遣進萬一之誠冀神祇垂感皇靈洪覆克達
天庭宣暢臣志雖旦聞夕沒永無餘恨又云臣
與高句驪源出夫餘先世之時篤崇舊款其祖
釗輕廢隣好親率士衆陵踐臣境臣祖須整旅
雷邁應機馳擊矢石暫交梟斬釗首自爾以來
莫敢南顧自馮氏數終餘燼奔竄醜類漸盛遂
見凌逼構怨連禍三十餘載財殫力竭轉自孱
蹶若天慈曲矜遠及無外速遣一將來救臣國

又云今連有罪國自魚肉大臣強族殺戮無已
是滅亡之期假手之秋也且馮族士馬有烏畜
之戀樂浪諸郡懷首丘之心天威一舉有征無
戰臣雖不敏志效畢力當率所統承風響應且
高麗不義逆詐非一外慕隗囂藩卑之辭內懷
允禍豕突之行或南通劉氏或北約蠕蠕共相
唇齒謀陵王畧今若不取將貽後悔去庚辰年
後臣西界小石山北國海中見屍十餘并得衣

器鞍勒視之非高麗之物後聞乃是王人來降
臣國長蛇隔路以沈于海雖未委當深懷憤恚
陛下合氣天地勢傾山海豈令小豎跨塞天遠
今上所得鞍一以為實驗顯祖以其僻達冒險
朝獻禮遇優厚遣使者邵安與其使俱還詔曰
卿處五服之外不遠山海歸誠魏闕欣嘉至意
用載于懷卿與高麗不睦屢致凌犯苟能順義
守之以仁亦何憂于寇仇也前所遣使浮海以

撫荒外之國積年不返達否未能審悉卿所送
鞍比較舊乘非中國之物不可以疑似之事以
生必然之過經畧權要已具別旨又詔曰知高
麗阻強侵軼卿土修先君之舊怨棄息民之大
德兵文累代難結荒邊使兼申胥之誠國有楚
越之急乃應展義扶微乘機電舉但以高麗稱
藩先朝供職日久于彼雖有自昔之釁于國未
有犯令之愆卿使命始通便求致伐討尋事會

理亦未周故往年遣禮等至平壤欲驗其由狀
然高麗奏請頻煩辭理俱詣行人不能抑其請
司法無以成其責故聽其所啟詔禮等還若令
復違旨則過咎益露後雖自陳無所逃罪然後
興師討之于義為得所獻錦布海物雖不悉達
明卿至心令賜雜物如別又詔璉護送安等安
等至高句驪璉稱昔與餘慶有仇不令東過安
等于是皆還乃下詔切責之五年使安等從東

萊浮海賜餘慶璽書褒其誠節安等至海濱遇
風飄蕩竟不達而還

魏書高麗傳高麗王釗烈帝時與慕容氏相攻

建國四年慕容元真伐之釗單騎奔竄後為百

濟所殺

按烈帝為道武帝之伯祖隋書以昭
列帝三字相連為高麗王之名殊誤

涉

羅國為百濟所併

魏書勿吉傳勿吉先破高句驪十落密共百濟

謀從水道併力取高句麗

勿吉國另
條見前

太平寰宇記百濟國後魏孝文帝遣衆征破之後
其王牟大為高句麗所破遷居南韓舊地

後周書百濟者馬韓之屬國夫餘之別種有仇
台者始國于帶方其地界東極新羅北接高句
麗西南俱限大海王姓夫餘氏自晉宋齊梁據
江左後魏宅中原並遣使稱藩兼受封拜齊氏
擅東夏其王隆亦通使焉隆子昌建德六年遣
使獻方物宣政元年又遣使來獻

北史百濟夫餘王東明之後

詳見前夫餘條

有仇台者

篤于仁信始立國于帶方故地漢遼東太守公

孫度以女妻之遂為強國初以百家濟因號百

濟王姓餘氏

按後周書作夫餘氏當以後周書為是

其都曰居拔

城亦曰固麻城其外更有五方方有十郡其人

兼有新羅高麗倭等亦有中國人有僧尼多寺

塔而無道士有鼓角箏篪笙等箎笛之樂行宋

元嘉厯以建寅月為歲首國中大姓有八族

原脫

八字今據
隋書增

沙氏燕氏芻

通考作芻
注云音狹

氏解氏真

隋書

新唐書
俱作貞

氏國氏木氏苗

新唐書作苗
通考作苗注云音白

氏齊

武平元年齊後主以餘昌為使持節侍中車騎

大將軍帶方郡公百濟王如故二年又以餘昌

為持節都督東青州諸軍事東青州刺史周建

德六年齊滅餘昌始遣使通周宣政元年又遣

使來獻

隋

隋書百濟夫餘王東明之後開皇初其王餘昌遣使貢方物拜昌為上開府帶方郡公百濟王平陳之歲有一戰船漂至海東舛牟羅國其船得還經于百濟昌資送之甚厚并遣使奉表賀平陳高祖善之下詔曰百濟往復至難若逢風浪便致傷損百濟王心迹淳至朕已委知相去雖遠事同言面何必數遣使來自今以後不須年別入貢朕亦不遣使往王宜知之開皇十八

年

北史作
八年

昌使其長史王辯那來獻方物屬興

遼東之後遣使請為軍導帝下詔曰往歲為高

麗不供職貢無人臣禮故命將討之高元君臣

畏服歸罪朕已赦之不可致伐辱其使而遣之

高麗頗知其事以兵侵掠其境昌死子餘宣立

餘宣死子餘璋立大業三年璋遣死者燕文進

朝貢其年又遣使王孝隣入獻請討高麗煬帝

許之令覘高麗動靜然璋內與高麗通和七年

帝親征高麗璋使其臣國智年來請軍期帝大
悅厚加賞錫遣尚書起部郎席律詣百濟與相
知明年六軍度遼璋亦嚴兵于境聲言助軍尋
與新羅有隙每相戰爭十年復遣使朝貢後天
下亂使命遂絕其南海行三月有舩年羅國南
北千餘里東西數百里附庸于百濟

唐

舊唐書百濟地在京師東六千二百里東北至

新羅西渡海至越州南渡海至倭國北渡海至
高麗其王所居有東西兩城又外置六方方管
十郡其用法叛逆者死籍沒其家殺人者以奴
婢三贖罪官人受財及盜三倍追贓仍終身禁
錮武德四年其王夫餘璋遣使獻果下馬七年
又遣大臣奉表朝貢高祖遣使冊為帶方郡王
百濟王自是歲遣朝貢高祖撫勞甚厚因詔高
麗閉其道路不許來通中國詔遣朱子奢往和

之又與新羅世為仇敵數相侵伐貞觀元年賜
璽書曰王世為君長撫有東藩海隅遐曠風濤
險阻忠欵之至職貢相尋尚想徽猷甚以嘉慰
新羅王金真平王之隣國每聞遣師征討不息
阻兵安忍殊乖所望朕已對王侄福信及高麗
新羅使人具勅通和咸許輯睦王必須忘彼前
怨識朕本懷共篤隣情即停兵革璋因遣使陳
謝實相仇如故十一年遣使獻鐵甲雕芥賜綵

帛三十段并錦袍等十五年璋卒其子義慈告

哀太宗素服哭之贈光祿大夫賻物二百段遣

使冊義慈為柱國帶方郡王百濟王十六年義

慈興兵伐新羅取四十餘城又發兵以守之與

高麗通好謀取党項

新唐書作
党項誤

城以絕新羅入

朝之路新羅遣使告急請救太宗遣司農丞相

里元奘齋書告諭及太宗親征高麗百濟乘虛

襲破新羅十城

新書作
七城

二十二年又破其十餘

城數年之中朝貢遂絕高宗永徽二年始又遣使朝貢使還降璽書于義慈曰海東三國開基自久地實犬牙近代已來遂構嫌隙戰爭交起朕代天理物載深矜憫去歲新羅使金法敏奏書乞詔百濟令歸所侵之城若不奉詔即自興兵打取但得故地即請交和朕以其言既順不可不許王所兼新羅之城並宜亟還其本國王若不從朕已依法敏所請任其決戰亦令約束焉

麗不許救恤高麗若不從命即令契丹諸蕃渡
遼澤入抄掠王可深思朕言自求多福六年新
羅王金春秋又表稱百濟與高麗誅鞬侵其北
界已沒三十餘城顯慶五年命左衛大將軍蘇
定方統兵討之大破其國擄義慈及太子隆小
王孝演等五十八人送京師命右衛郎將王文
度為熊津都督總兵以鎮之義慈事親以孝行
聞友于兄弟時人號海東曾閔及至京數日而

卒贈金紫光祿大夫衛尉卿文度濟海而卒百

濟僧道琛舊將福信

按新唐書福信為夫餘璋之從子

率衆據

周留城遣使往倭國迎故王子夫餘豐立為王

其西部北部並翻城應之時郎將劉仁願留鎮

于百濟府城道琛等引兵圍之帶方州刺史劉

軌代文度統衆便道發新羅兵以救仁願轉戰

而前所向皆下道琛于熊津江口立兩柵以拒

官軍仁軌與新羅兵四面夾擊之退走入柵阻

水橋狹墮水及戰死萬餘人道琛等乃釋仁願

之圍退保任存城

按新唐書
作任孝城

新羅兵以糧盡引

還時隆朔元年三月也于是道琛自稱領軍將

軍福信自稱霜岑將軍使告仁軌曰聞唐與新

羅約誓百濟無問老少一切殺之然後以國付

新羅與其受死豈若戰亡所以聚結自守耳仁

軌作書具陳禍福遣使諭之道琛置仁軌之使

于外館傳語謂曰使人官職小我一國大將不

合自叅不答書遣之尋而福信殺道琛并其衆
夫餘豐但主祭而已二年七月仁願仁軌率留
鎮之兵大破福信餘衆于熊津之東福信等以
真峴城臨江高險又當衝要加兵守之仁軌引
新羅兵乘夜薄城四面攀堞而上比明而入據
其城遂通新羅運糧之路仁願奏請益兵詔發
淄青萊海之兵七千人遣左新唐書威衛將軍
作右孫仁師統衆浮海赴熊津以益之時福信既專

其兵權與夫餘豐漸相猜貳稱疾卧于窟室將
俟夫餘豐問疾謀襲殺之夫餘豐覺而率其親
信掩殺福信又遣使往高麗及倭國請兵以拒
官軍孫仁師中路迎擊破之遂與仁願之衆相
合兵士大振于是仁師仁願及新羅王金法敏
帥陸軍進劉仁軌及別帥杜爽夫餘隆率水軍
及糧船自熊津江往白江以會陸軍同趨周留
城仁軌遇夫餘豐之衆于白江之口四戰皆捷

焚其舟四百艘豐脫身而走王子夫餘忠勝忠志等率士女及倭衆並降百濟諸城皆復歸仁師等振旅還詔劉仁軌代仁願率兵鎮守乃授夫餘隆熊津都督遣還本國共新羅和親以招輯餘衆麟德二年八月隆到熊津城與新羅王金法敏刑白馬而盟先祀神祇及川谷之神而後歃血藏其盟書于新羅之廟仁願仁軌等既還隆懼新羅尋歸京師儀鳳二年拜光祿大夫

太常員外卿兼熊津都督帶方郡王令歸本蕃
安輯餘衆時百濟本地荒毀漸為新羅所據隆
竟不敢還舊國而卒其孫敬則天朝襲封帶方

郡王授衛尉卿其地自此為新羅及渤海靺鞨

所分百濟遂絕

按周留既破夫餘豐脫身而走
通考亦言豐走不知所在至後

唐靖泰三年百濟國復遣使來蓋其支裔共保
海濱仍稱百濟雖故地已失而世祀未嘗絕也

新唐書顯慶五年詔蘇定方為神丘道行軍大
總管率左衛將軍劉伯英右武衛將軍馮士貴

左驍衛將軍龐孝泰發新羅兵伐百濟自城山
濟海百濟守熊津口定方擊敗之乘潮以進趨
真都城復破之拔其城義慈挾太子隆走北鄙
定方圍之次子泰自立為王率眾固守義慈孫
文思曰王太子固在叔乃自王若唐兵解去如
我父子何與左右縋而出民皆從之泰不能止
定方令士超堞立幟泰開門降定方執義慈隆
等送京師平其國析置熊津馬韓東明金連

按地

理志作遠太平
寰宇記作蓮

德安五都督府

按地理志云又置帶方州麟德

後俱廢

擢渠長治之命劉仁願守百濟城義慈尋

卒授隆司稼卿

唐會要百濟本夫餘之別種當馬韓之故地其
後有仇台者為高麗所破以百家濟因號百濟
東北至新羅

冊府元龜唐武德七年封百濟王夫餘璋為帶
方郡王七年九月遣使獻光明甲貞觀十一年

璋遣太子隆來朝並獻鐵甲雕斧十三年獻金
甲雕斧十五年詔曰故柱國帶方郡王百濟王
夫餘璋棧山航海遠稟正朔獻琛奉賚克固始
終宜加常數式表哀榮可贈光祿大夫令其嫡
子義慈嗣位使祠部郎中鄭文表備禮冊命十
九年正月百濟太子夫餘康信貢方物百濟自
武德四年至永徽三年朝貢不絕獻慶五年蘇
定方既濟熊津口乘山而陣與之大戰揚帆蓋

海相續而至敵兵大潰官軍連舳入江水陸並
進直趨真都去城二十餘里復傾國來拒大戰
破之追奔入郭義慈及太子隆走北境其大將
禰植將義慈來降及諸城主亦俱送款龍朔三
年百濟西部人黑齒常之來降常之長七尺餘

驍勇有謀畧

按唐書列傳常之為百濟達帥蘇定方平百濟時常之糾合逋亡依

任存山自固定方攻之不克常之遂擾二百餘
城高宗遣使招諭乃詣劉仁軌降授左領軍將
軍

通考百濟王夫餘映子餘毗餘毗子慶慶子牟
都牟都子牟大牟王立必遣使詣江南請命俱
授以鎮東大將軍都督百濟諸軍事亦遣使稱
藩奉貢于魏尋為高麗所破衰弱累年梁時王
餘隆累破高麗隆卒子明嗣北齊時亦通使焉
齊亡遣使通周隋時其王餘昌立餘昌卒子餘
璋立隋亂貢使遂絕唐武德四年璋始通使自
是數朝貢且訟高麗梗道貞觀初詔使平其怨

璋卒子義慈立義慈事親孝與兄弟友時號海東曾子明年與高麗連和取新羅四十餘城聞帝討高麗又取新羅七城久之又奪十餘城因不朝貢永徽六年復與高麗取新羅三十餘城顯慶五年蘇定方平其國璋從子福信等立故王子夫餘豐龍朔二年劉仁願等復破之豐走不知所在帝以夫餘隆為熊津都督俾歸國平新羅故憾招還遺人麟德二年與新羅王會熊

津城刑白馬以盟辭曰往百濟先王侵削新羅
破邑屠城天子憐百姓無辜命行人修好先王
負險恃遐皇赫斯怒是伐是夷立前太子隆為
熊津都督守其祭祀附伏新羅長為與國結好
除怨永為藩服右威衛將軍魯城縣公仁願親
臨厥盟有貳其德神明監之乃作金書鐵券藏
新羅廟中仁願等還隆畏衆攜散亦歸京師儀
鳳時進帶方郡王遣歸藩是時新羅強隆不敢

入舊國寄治高麗卒武后又以其孫敬襲王而其地已為新羅渤海靺鞨所分百濟遂絕

太平寰宇記百濟舊有五部分統三十七郡二百城七十六萬戶顯慶五年以其地分置熊津

馬韓東明金蓮德安五都督府至麟德三年其舊地沒于新羅城傍餘衆後漸寡弱散投突厥

及靺鞨其王夫餘崇新舊唐書俱作隆竟不敢歸舊國

土地盡入于新羅靺鞨

五代

五代史後唐清泰三年正月百濟國遣使貢方

物

冊府元龜同

宋

通考高麗以百濟為金州金馬郡號南京

按此乃百

濟東南邊境其全部始屬新羅後歸渤海及契丹非高麗所能有也

元

元史世祖至元四年正月百濟遣其臣梁浩來

朝賜以錦繡有差

謹按百濟自後漢時已見史傳歷晉迄唐使命
歲通王本夫餘王仇台之後以夫餘為氏舊國
屬馬韓晉代以後盡得馬韓故地兼有遼西晉
平二郡自置百濟郡宋書言所治謂之晉平郡
晉平縣都城號居拔城則百濟郡即晉平而居
拔城即晉平城也馬端臨謂晉平在唐柳城北
平之間實合錦州寧遠廣寧之境一統志謂居

拔城在今朝鮮境內者殆梁天監時遷居南韓
之城歟普通以後累破高麗斬其王釗更為強
國號所治城曰固麻北史謂居拔城即固麻城
以滿洲語考之固麻為格們之轉音唐書云王
居有東西兩城則居拔即滿洲語之卓巴兩城
皆王都故均以格們稱之其曰建居拔者建字
乃漢文通考連三字為城名誤也通考又云南
接新羅會要云東北至新羅考百濟之境其西

北自今廣寧錦義南跨海蓋東南極朝鮮之黃
海忠清全羅諸道東西狹而南北長故自柳城
北平計之則新羅在其東南而自慶尚熊津計
之則新羅在其東北又魏時與勿吉謀并力取
高麗則東北亦隣勿吉矣唐初復取新羅六七
十城其界益廣蘇定方浮海濟師故自熊津北
趨其國熊津即漢江在朝鮮國城南十里則今
朝鮮國城亦百濟之南界也其後夫餘隆畏新

羅不敢歸故地為新羅渤海靺鞨所分夫餘豐
脫身而走不知所往而後唐時有百濟遣使入
貢之文至元初猶通朝使是其支庶保守海隅
仍用舊號國祚猶存唐書云百濟遂絕者非也
又北史云國有五方方管十郡舊唐書云六方
各管十郡則為郡且五六十而定方所得僅三
十七郡未得者尚五分之二此必餘衆所保第
為渤海契丹所隔故不復相聞耳若其聲明文

物之盛與新羅埒史言俗重騎射兼愛墳史信
矣其國內衆建侯王以酬勲懿自宋齊時已然
則又地廣民稠之驗也

欽定滿洲源流考卷三

欽定四庫全書

欽定滿洲源流考卷四

部族四

新羅

一作斯盧一作新盧
雜林附

三國

三國志魏書辰韓

另條
見前

十二國有斯盧國

通典新羅國魏時新盧國其先本辰韓辰韓始

有六國稍分為十二新羅其一也魏將毋丘儉

討高麗破之高麗王奔沃沮其後復歸故國留者
遂為新羅焉

通考新羅國在百濟東南五百餘里

亦在高麗東南兼有

漢時樂浪郡之地

初曰新盧或曰新羅東濱大海魏母

丘儉破高麗奔沃沮其後復歸故國留者遂為

新羅故其人雜有華夏高麗百濟之屬兼有沃

沮不耐韓濊之地其王本百濟人自海入新羅

遂王其國

晉

前秦錄新羅在百濟東符堅建元十六年符洛
反遣使徵兵於百濟新羅等國並不從

秦書符堅建元十八年新羅國王樓寒

按蒙古語謂龍

曰婁寒字當即汗音之訛遣使朝獻

通志新羅國在百濟東南五百餘里東濱大海
其王本百濟人自海入新羅遂王其地其國初
附屬於百濟後因百濟伐高麗人不堪戎役相

率歸之遂致強盛因襲伽羅任那諸國滅之其
西北界出高麗之間先是其國小不能自通符
堅時其王樓寒遣使衛頭朝貢堅曰卿言海東
之事與古不同何也對曰亦猶中國時代變革
名號改易今焉得同

南北朝

宋書元嘉二年倭國遣使自稱使持節都督倭
百濟新羅任那秦韓慕韓六國諸軍事

按宋書
無新羅

傳其名但見于倭國傳中南齊書同

通志新羅魏時新盧國也宋時曰新羅或曰斯

羅

梁書新羅者其先本辰韓也辰韓亦曰秦韓相

去萬里傳言秦人避役來適馬韓

另條見前

馬韓割

其東界居之辰韓始有六國稍分為十二新羅

其一也其國在百濟東南東瀕大海南北與句

驪百濟接魏時曰新盧宋時曰新羅或曰斯羅

同 南史 國小不能自通使聘普通二年王名募秦

按南史通志太平御覽皆作姓募名秦通考引梁史亦同且云未詳易姓之由新羅金姓相承已久不應于梁時忽稱姓募考中國人本稱秦人此募秦二字當為書語非姓名也 始使

使隨百濟奉方物

陳書本紀廢帝光大二年六月新羅國遣使獻方物宣帝太建二年六月三年五月十年七月並遣使獻方物

南史新羅在百濟東南五十餘里其地東濱大

海南北與句麗百濟接

冊府元龜北齊河清四年詔以新羅國王金真
興為使持節領東夷校尉樂浪郡公新羅王自
河清三年至武平四年並遣使朝貢

北史百濟居漢時樂浪地或稱魏將毋丘儉討
高麗破之奔沃沮其後復歸故國有留者遂為
新羅亦曰斯盧其王本百濟人自海入新羅初
附庸于百濟百濟征高麗不堪戎役民相率歸

之遂強盛傳世三十至真平

隋

隋書新羅或稱斯盧其國傳祚至金真平開皇十四年遣使貢方物高祖拜真平為上開府樂浪郡公新羅王大業以來歲遣朝貢地多山險雖與百濟構隙百濟亦不能圖之

隋東蕃風土記新羅金姓相承三十餘葉至今亦姓金

通考隋文帝時其王姓金名真平襲加羅任那

諸國滅之

並三韓之地

其西北界犬牙出高麗百濟

之間地多山險王姓金貴人姓朴民無氏有名
初百濟伐高麗來請救悉兵往破之自是相攻
不置後獲百濟王殺之結怨滋深

唐

舊唐書新羅弁韓之苗裔也在漢時樂浪之地
有城邑材落王所居曰金城周七八里衛兵三

千人設獅子隊武德四年王金真平遣使朝貢
高祖親勞問之遣通直散騎侍郎庾文素往使
焉賜以璽書及畫屏風錦綵三百段自此朝貢
不絕國人多金朴兩姓異姓不為婚高祖既聞
海東三國舊多怨隙遞相攻伐乃問其使為怨
所由對曰先是百濟往伐高麗詣新羅請救新
羅發兵大破百濟國因此為怨每相攻伐新羅
得百濟王殺之怨由此始七年遣使冊拜金真

平為柱國封樂浪郡王新羅王貞觀五年卒無

子立其女善德為王宗室大臣乙祭

葉蒙古語
謂全部之

部曰伊濟與
乙祭音近

總知國政詔贈真平左光祿大夫

九年遣使冊命善德為王十七年遣使上言高

麗百濟累相攻襲亡失數十城乞偏師救助太

宗遣相里元獎齋璽書賜高麗不聽太宗將親

伐高麗詔新羅募集士馬應接大軍新羅遣大

臣領兵五萬人入高麗南界攻水口城降之二

十一年善德卒贈光祿大夫餘官封並如故立

其妹真德為王二十二年真德遣其弟國相伊

贊子金春秋

按唐會要以春秋為真德子誤

及其子文正

按浙書作

文王來朝詔授春秋為特進文正為左武衛將軍

春秋請詣國學觀釋奠及講論太宗因賜以所

制溫湯及晉祠碑并新撰晉書將歸國令三品

以上宴餞之永徽元年真德大破百濟之衆遣

其弟法敏以聞

按下文云春秋卒以其子法敏嗣此處弟字當誤新書云遣春

秋子法敏是也帝嘉之拜法敏為太府卿五年真德卒

詔以春秋嗣立為王加授開府儀同三司樂浪郡王六年百濟與高麗靺鞨率兵侵其北界攻陷三十餘城春秋上表求救顯慶五年命蘇定方為熊津道大總管統水陸十萬仍令春秋為馮夷道行軍總管與定方討平百濟自是新羅漸有高麗百濟之地其界益大龍朔元年春秋卒詔其子太府卿法敏嗣位為開府儀同三司

上柱國樂浪郡王新羅王三年詔以其國為雞

林州都督府

按雞林與今吉林音譯地里俱符是時新羅既兼有百濟高麗之地

里與鞞鞞故設都督府于此俾王領之以重其鎮耳授法敏為雞林州都

督法敏以開耀元年卒其子政明嗣位垂拱二

年遣使來朝天授三年

按冊府元龜作長壽二年

政明卒立

其子理洪為王仍令襲父輔國大將軍行豹韜

衛大將軍雞林州都督理洪以長安二年卒輟

朝二日立其弟興光為王仍襲兄將軍都督之

號按遼宋以後每以雞林稱高麗金元時亦以雞林郡公為高麗封號蓋新羅嗣王既世襲

都督雞林遂為新羅之通稱迨渤海盛而新羅偏安南境又為高麗所併故高麗亦襲是稱號

雖地非其舊而名仍沿之耳興光本名與太宗同先天中則

天改焉按唐會要興光本名崇基是與明皇同非太宗也又先天為明皇初即位改元

之號其非則天所改蓋明蓋舊唐書記載之訛耳開元二十一年渤海

靺鞨越海入登州時興光族人金思蘭先因入

朝留京師至是拜為太僕員外卿令歸國發兵

以伐靺鞨仍加授興光寧海軍使二十五年興

光卒贈太子太保仍遣左贊善大夫邢璣往弔
祭并冊立其子承慶上謂璣曰新羅號為君子
之國卿到彼宜闡揚經典使知儒教之盛又聞
其人多善奕碁因令善碁人率府兵曹楊季鷹
為璣之副天寶二年承慶卒詔遣贊善大夫魏
曜往弔祭之冊立其弟憲英為王大曆二年憲
英卒國人立其弟乾運為王遣其大臣金隱居
奉表入朝請加冊命三年遣使冊立仍冊乾運

母為太妃建中四年乾運卒無子國人立其上

相金良相為王貞元元年授良相檢校大尉都

督雞林州刺史寧海軍使新羅王其年卒立上

相金敬信為王敬信即從兄弟也

按敬信即從兄弟句詞意

未為明晰據通考蓋即良相之從兄弟耳

十四年敬信卒其子先亡

國人立敬信嫡孫俊邕十六年遣司封郎中韋

丹持節冊命至郢州聞俊邕卒丹還永貞元年

遣兵部郎中元季方冊俊邕子重興

按冊府元龜作重熙

為王

按冊府元龜云并冊其母和氏為太妃妻朴氏為妃

元和三年新羅

使人金力奇上言前貞元十六年奉詔冊臣故

主金俊邕為王母申氏為太妃妻叔氏為王妃

冊使韋丹至中路知俊邕薨其冊却迴在中書

省今臣還國請授臣以歸勅鴻臚寺于中書省

領受至寺宣授與力奇令奉歸國七年重興卒

立其相金彥昇為王授彥昇開府儀同三司檢

校太尉持節大都督雞林州諸軍事寧海軍使

上柱國新羅王妻貞氏冊為妃命職方員外郎

崔廷持節弔祭冊立以其質子金士信副之太

和五年彥昇卒以嗣子金士徽為開府儀同三

司檢校太尉使持節大都督雞林州諸軍事充

寧海軍使新羅王母朴氏為太妃妻朴氏

按冊
府元

龜作
貞氏為妃命太子左諭德源寂持節弔祭冊立

新唐書新羅國東距長人東南日本西百濟南

瀕海北高麗而王居金城長人者人類長三大

或博人以食其國連山數十里有峽固以鐵闔
號關門新羅常屯弩士數千守之貞觀二年獻
女樂二太宗曰比林邑獻鸚鵡尚思鄉可還况
於人乎付使者歸之王金真平無子立女善德
為王國人號聖祖皇姑二十一年其妹真德襲
王明年遣子文王及弟伊贊子春秋來朝拜文
王左武衛將軍春秋特進因請改章服從中國
制內出珍服賜之龍朔三年詔以其國為雞林

州大都督府授其王法敏都督咸亨五年納高麗叛衆略百濟地守之詔削法敏官爵以其弟右驍衛大將軍臨海郡公仁問為新羅王自京師歸國詔劉仁軌為雞林道大總管發兵窮討法敏遣使入朝謝仁問乃還辭王詔復法敏官

爵然多取百濟地遂抵高麗南境矣

按唐會要言盡有百

濟之地及高麗南境蓋高麗北境已屬渤海故新羅既有百濟之地又兼有高麗南境非得百濟而始抵高麗之南也新書誤會及字之意與高麗傳不合謹詳訂于後

開元中王

金興光數入朝帝賜興光瑞文錦五色羅紫繡
紋袍金銀精器興光亦上異狗馬黃金美鬚諸
物初渤海靺鞨入登州興光擊走之進興光寧海
軍大使使攻靺鞨二十五年冊其子承慶為王
承慶妻朴氏為妃卒弟憲英嗣王帝在蜀遣使
泝江至成都朝正月大厯初其子乾初立甫州
會其宰相爭權相攻國大亂三歲乃定建中元
年卒無子國人共立宰相金良相貞元元年遣

戶部郎中蓋塤持節冊命之永貞三年使臣金力奇為其宰相金彥昇金仲恭王弟蘇金添明巧門戰詔皆可凡再朝貢七年彥昇立長慶寶歷間再遣使者來朝留宿衛開成五年鴻臚寺籍質子及學生歲滿者一百五人皆還之有張保舉鄭年者皆善戰工用槍年復能沒海履其地五十里不噎角其勇健保舉不能也年以兄呼保舉保舉以齒年以藝常不相下自其國皆

來為武寧軍小將後保皋歸新羅謁其王曰遍
中國以新羅人為奴婢願得鎮清海使賊不得
掠人西去清海海路之要也王與保皋萬人守
之自太和後海上無驚新羅人者保皋既貴于
其國年饑寒客連水一日謂戍主馮元規曰我
欲東歸乞食于保皋元規曰若與保皋所負何
如奈何取死其手年曰饑寒死不如兵死快遂
去謁保皋飲之極歡飲未卒聞大臣殺其王國

亂無主保臯分兵五千人與年持年泣曰非子
不能平禍難年至其國誅反者立王以報王遂
召保臯為相以年代守清海會昌後朝貢不復
至

唐會要新羅者本并韓之地其先出高麗魏破
高麗其衆保沃沮後歸故國其留者號新羅國
多金朴兩姓異姓不為婚永徽元年王金真德
大破百濟遣使金法敏來朝五年真德卒高宗

為舉哀于永光門使太常丞張文收帛祭之贈
開府儀同三司仍賜綾綵三百段詔以其子春
秋嗣位顯慶元年三月又破百濟兵使來告捷
龍朔元年春秋卒子法敏嗣位三年四月詔新
羅置雞林大都督仍授法敏雞林州大都督麟
德二年八月法敏與熊津都督夫餘隆盟于百
濟之熊津城于是帶方州刺史劉仁軌領新羅
百濟僭羅倭人四國使浮海西還以赴泰山之

下上元元年

按新唐書作咸亨五年與此異

二月新羅王金法敏

既已納高麗叛亡之衆又封百濟故地遣兵守之帝怒削法敏官爵遣宰臣劉仁軌討之仍以法敏弟金仁問為新羅王時仁問在京師詔令歸國以代其兄仁問至中路聞新羅降乃還二年二月雞林道行軍大總管劉仁軌大破新羅之衆于七重城而還新羅于是遣使入朝并獻方物前後相屬復法敏官爵既盡有百濟之地

及高麗南境東西約九百里南北約一千八百

里

按舊唐書云東西千里南北二千五百里新唐書云橫十里縱三十里今既併百濟高麗無反

狹于前之理蓋專指新闢之地耳

開耀元年法敏卒遣使冊立

其子政明為王長壽二年

舊唐書作天授三年

政明卒冊

其子理洪為王三年遣使來朝其年理洪卒

舊唐書作

長安二年辛

冊其弟崇基為王仍襲兄輔國大將軍

左豹韜衛大將軍雞林州都督神龍三年授驃

騎大將軍先天元年改名興光開元十年頻遣

使獻方物十二年興光遣獻果下馬二匹及金銀等仍上表陳謝至十二年遣其臣金武勳來賀正及武勳迴降書賜之又使其弟金嗣宗來朝并貢方物至二十一年命太僕卿員外置金思蘭使于新羅思蘭本新羅行人恭而有禮因留宿衛及是委以出疆之任且便之也是年興光奏國內有芝草生畫圖以獻二十二年遣大臣金竭丹來賀正又遣姪志廉獻方物授志廉

鴻臚少卿員外置賜絹百匹留宿衛二十三年十一月遣從弟金忠相來朝卒於路贈衛尉卿二十五年興光卒承慶嗣位至二十八年冊其妻朴氏為新羅王妃天寶三年卒命弟憲英嗣位是歲四月遣使獻方物十月遣使來賀正授左清道率府員外長史賜綠袍銀帶還番自後頻來朝貢七載遣使獻金銀及六十總布魚牙紬朝霞紬牛黃頭髮人參寶應二年憲英遣

使朝貢授其使檢校禮部尚書放還大歷二年
憲英卒子乾運立三年命倉部郎中歸崇敬持
節冊命七年使金標石來賀正授衛尉員外少
卿八年遣使來朝并獻金銀牛黃魚牙紬等方
物建中四年乾運卒無子國人立其上相金良
相為王貞元元年令戶部郎中蓋塤往冊其年
良相卒立上相敬信為王十四年敬信卒其子
先卒國人立敬信嫡孫俊邕為王元和元年放

宿衛王子金獻忠歸本國仍加試祕書監三年
遣使金力奇來朝四年遣使金陸珍等來朝貢
五年王子金憲章朝貢七年重興卒其相金彥
昇遣金昌南等告哀其年七月授彥昇開府儀
同三司檢校大尉新羅國王彥昇妻貞氏冊為
妃仍賜大宰相金斌等三人戟十一年十一月
其入朝王子金士信等遇風飄至楚州鹽城界
淮南節度李廓以聞十五年遣使來朝貢長慶

二年使金柱弼來朝寶曆元年王子金昕來朝

兼充宿衛太和四年

舊唐書
作五年

彥昇卒太和五年

四月詔以金景徽為國王母朴氏太妃妻朴氏

為妃開成元年王子義琮來謝恩宿衛會昌元

年七月勅歸國新羅官前入新羅宣尉副使充

兗州都督府司馬賜緋魚袋金雲卿可淄州長史

唐六典河南道控新羅之貢獻

冊府元龜唐武德九年新羅遣使詎高麗王建

武關其道路不得入朝又相與有隙屢相侵掠
詔員外散騎侍郎朱子奢和解之建武奉表謝
罪請與新羅對使會盟貞觀十七年九月新羅
遣使言高麗百濟侵陵臣國累遭攻襲數十城
兩國連兵期于必取將以今茲九月大舉謹遣
陪臣歸命大國願乞偏師以存救援帝謂使人
曰我頻使人和爾三國高麗百濟旋踵翻悔意
在吞滅我少發邊兵總契丹靺鞨直入遼東爾

國自解可緩一年之圍此後知無繼兵遂肆侵侮然四國俱擾于國未安此為一策我又能給爾數千株袍丹幟二國兵至建而陳之彼以為我兵必皆奔走此為二策百濟負海之險不修兵械我以數十百船載卒泛海直襲其地此為三策爾國以婦人為主為隣國輕侮我遣一宗枝以為國主待爾國安任爾自守此為四策爾宜思之將從何事使者但唯而無對帝於是遣相

遣里元奘齎書賜高麗曰新羅委命國家朝貢不闕爾與百濟宜即戢兵若更攻之明年當出師擊爾國矣蓋蘇文謂元奘曰高麗新羅怨隙已久往者隋室相侵新羅乘釁奪高麗五百之地自非反地還城此兵恐未能已元奘曰既往之事安可追論蘇文竟不從十八年元奘還元奘初至平壤蓋蘇文又破新羅兩城詔以高麗侵逼新羅令營州都督張儉等率幽營二都

督府兵馬問罪屬麗東水泛儉等兵不能濟二

十二年新羅國伊贊於

於字新舊唐書俱作子

金春秋及

其子文王來朝帝遣光祿卿柳亨持節却勞之
是年百濟復破其一十三城永徽元年六月新

羅王金真德大破百濟之衆遣使以聞六年二

月遣營州都督程元振左衛中郎將蘇定方發

兵一萬討高麗以侵掠新羅故也時新羅王金

春秋言高麗百濟靺鞨相連侵其北境奪三十

三城乞兵救援故遣元振經略之顯慶元年百

濟伐新羅新羅拒戰破之是年十月遣王子文

王來朝咸亨四年燕山道總管李謹行

按謹行
靺鞨人

破高麗叛黨于鉢盧河之西高麗平壤餘衆遁

入新羅五年二月遣劉仁軌為雞林道行軍大

總管以伐新羅又以靺鞨兵浮海而南略新羅

之南境仁軌還詔以李謹行為安東鎮撫大使

屯兵於新羅之買肖城以經略之前後三戰皆

捷于是新羅遣使入朝并獻方物開元二年二月壬子金守忠來朝留宿衛賜宅及帛以寵之十一年四月遣使獻果下馬一匹表曰鄉居海曲地處遐陬原無泉客之珍本乏實人之貢敢將方產之物塵瀆天宮駕褰之才滓穢龍廐竊方燕豕敢類楚雞深覺覲顏彌增汗戰是年賀正使金武勳還國賜興光錦袍金帶及綵素三千匹十九年二月使臣金志良來賀正授大僕員

外少卿賜帛六十匹還番降書與新羅王曰所
進牛黃及金銀等物省表具知卿二明慶祚三
韓善隣時稱仁義之鄉代著勲賢之業文章禮
樂聞君子之風納款輸誠効勤王之節固藩維
之鎮衛諒中外之表儀朕每晨興佇念宵衣待
賢想見其人以光啟沃俟卿覲止允副所懷今
使至知嬰疾若不遂祇命言念遐濶用增憂勞
時侯暄和想痊復也今賜綵綾五百匹帛二千

五百匹宜即領取

詳此詔則開元時曾命新羅王入朝而王因疾不至也

二十一年十二月王姪志廉來朝謝恩也初帝

賜興光白鸚鵡雄雌各一及紫羅繡袍金銀鈿

器物瑞文錦五色羅綵三百餘段興光表曰地

隔蓬壺天慈洽遠鄉睽華夏睿澤覃幽伏覩瓊

文跪披玉匣含九霄之雨露帶五采之鸞鸞辯

惠靈禽素蒼兩妙或稱長安之樂或傳聖主之

恩羅錦彩章金銀寶鈿見之者爛目聞之者驚

心微效若塵重恩如岳循涯揣分何以上酬詔
饗志廉于內殿二十二年新羅王金興光從弟
左領軍衛員外將軍忠信上表曰臣所奉進止
令臣執節本國發兵馬攻靺鞨有事續奏者奉
聖旨時為替人金孝方身亡便留臣宿衛今從
姪志廉到訖臣即合還每思前所奉旨無忘夙
夜陛下先有制加本國王寧海軍大使錫之旌節
伏望因臣還國以副使假臣豈惟斯怨益振固

亦武夫作氣帝許焉二十四年六月新羅王表

曰伏奉恩敕沔江以南令新羅安置錫臣境土

廣臣邑居遂使墾闢有期農桑得所奉絲綸之

旨荷榮寵之深粉骨糜身無由上荅

按此則開元時以沔

江以南地與新羅考新舊書俱未載

天寶二年制曰故開府儀同

三司使持節都督雞林州諸軍事兼持節寧海

軍使新羅王金承慶弟憲英奕葉懷仁率心當

禮大賢風教條理允明中夏軌儀衣冠素襲馳

海珍而遣使準雲呂而通朝代為純臣累効忠節頃者兄承土宇沒而無嗣弟膺繼及抑惟常經是用賓懷優以冊命可襲兄新羅國王開府儀同三司使持節大都督雞林州諸軍事兼充持節寧海軍使憲宗元和三年勅新羅王叔金彥昇弟仲恭等三人宜令本國准舊例賜戟七年勅新羅國大宰相金崇斌等三人令本國准例賜戟十五年新羅質子金士信奏本國嘗差

質子宿衛每有天使臨番即充副使轉通聖旨
下告國人今在城質子臣當次行敬宗初即位
雞林人前右監門衛率府兵曹參軍金雲卿進
狀請充入本國宣慰副使從之敬宗寶曆元年
國王金彥昇奏先在太學生崔利貞金叔貞朴
季業四人請放還番其新赴朝貢金允夫金立
之朴亮之等十二人請留在宿衛仍請配國子
監習業鴻臚寺給資糧從之二年十二月新羅

質子金允夫請准舊例中使入番便充副使同
到本國譯詔書不許但隨告使充副使文宗開
成元年新羅王金景徽遣其子義琮來謝恩兼
宿衛二年還番是年十二月新羅質子試光祿
卿金允夫進狀稱入朝充質二十六年三蒙改
授試官再當本國宣慰及冊立等副使准往例
皆蒙特授正官遂授武成王廟令三年新羅王
金祐徵遺淄青節度使奴婢帝矜以遠人令却

歸本國新羅自武德四年至會昌元年朝貢不絕
張九齡集與新羅王金興光勅知卿欲于涓江
置戍既與渤海衝要又與祿山相望仍有遠圖
宜遵長策且渤海久已逋誅卿每嫉惡深用嘉之

五代

五代史新羅自唐高祖時封金真

按新舊書俱作金真平當

係此誤

為樂浪郡王其後世常為君長同光元年

國王金朴英遣使者來朝貢長興四年權知國

事金溥遣使來朴英溥世次立卒史皆失其紀
自晉以後不復至

冊府元龜後唐同光二年十一月國王金朴英

遣倉部侍郎金鑠錄事參軍金幼卿朝貢二年

正月國王及本國泉州

按新唐書有全州無泉州當即一州而傳寫異

也節度使王逢規遣使朝貢六月遣使朝散大

夫倉部侍郎賜紫金岳來朝授朝議大夫試衛

尉少卿天成二年四月新羅國康州遣使林彥

來朝貢對於中興殿長興三年四月權知本國
金溥遣使執事侍郎金肱貢方物

五代會要天成二年二月新羅遣使張芬等來

朝三月以新羅國權知康州事王逢規為懷化

大將軍新羅國前登州都督府長史張希巖新

羅登州

舊記金州據
冊府元龜改

知後官本國金州司馬李

彥謨並檢校右散騎常侍又以張芬為檢校工

部尚書副使兵部郎中朴述洪兼御史中丞判

官倉部員外郎李忠式兼御史清泰二年以入
朝使肅為檢校工部尚書副使司賓大卿李儒
為將作少監

宋

諸蕃志新羅國與泉之海門對峙俗忌陰陽家

子午之說故興販必先至四明而後再發

按宋時新

羅為契丹所隔故由海道以至四明與陰陽
家之說殊無干涉蓋為此說以文之耳或

曰泉之水勢漸低故必經由四明有大族金氏

朴氏其治法峻故少犯道不拾遺建隆二年遣使來貢興國二年又貢中國使至必涓吉而後具禮

高麗圖經高麗既併新羅東北稍廣其西北與契丹接昔以遼為界後為所侵逼退保鴨渚以

為險

按此與下通考所云皆北宋末高麗之界也是時新羅北境屬金其南境屬高麗故

高麗之東北稍廣而退保鴨渚亦始于此時云

通考高麗以新羅為東州樂浪府號東京建炎

二年募使絕域者浙東副總管楊應忱請身使
三韓結雞林以達燕雲假刑部尚書往使高麗
高麗不奉詔乃還

奉使行程錄自咸州九十里至同州皆北行東
望大山金人云此新羅山山內深遠無路可行
深處與高麗接界山下至所行路可三十里自

同州百七十里至黃龍府東行

按遼之咸州金
為咸平府同州

金為銅山縣俱在今鐵嶺開原之間東至威堡
堡即吉林界南至奉天即唐時高麗界開原即

漢時夫餘國界百濟之舊國也通考謂新羅西北界出高麗百濟之間者應即指此其後皆併于渤海是時則屬女真也

遼

遼史太祖九年新羅遣使貢方物天贊四年復來貢天顯元年以王郁等從征新羅有功優加賞賚太宗天顯三年遷東丹民以實東平其民或亡入新羅女真聖宗開泰元年歸州言居民本新羅所遷未習文字請設學以教之

遼史兵衛志屬國可紀者五十九其二十一曰

新羅

遼史地理志唐元和中渤海王大仁秀南定新羅開置郡縣海州巖淵縣東界新羅故平壤城在縣西南又中京大定府設朝天館以待新羅使

契丹國志太祖併吞諸部渤海王大諲譔深憚之與新羅結援新羅言語名物有似中國國王

誦自契丹承天太后時入貢其後王誦為部下

所殺立其弟詢契丹以王誦進貢興兵北討十

年方罷兵新羅依舊朝貢

按新羅王之名遼史不載聖宗本紀高麗

西京留守康肇弑其王誦立誦從兄詢詔東征後高麗復朝貢是誦與詢皆高麗王名此事亦

係高麗非新羅也聖宗用兵新羅本紀亦未載惟地理志有聖宗伐新羅還一語耳契丹

四至東南至新羅國以鴨綠江東八里黃土嶺

為界

元

元史高麗傳高麗地東至新羅南至百濟皆跨
大海後闢地益廣併古新羅百濟高句麗三國

為一

按高麗所併實止二國東南之地其西北諸境並未屬高麗也

謹按新羅自魏時始見謂之斯盧亦曰新盧實
一國也唐初兼百濟高麗二國之地龍朔元年

始以其國為雞林州都督府以新羅王金法敏
兼大都督其後嗣王皆兼雞林都督之號考新
羅故地本與百濟高麗為隣通考云在百濟東

南其西北界出高麗百濟之間唐書唐會要言
在百濟東北以新唐書高麗傳考之高麗東跨
海距新羅南跨海距百濟西北渡遼水接營州
北接靺鞨則自今奉天遼陽南至鳳凰城渡鴨
綠江至今朝鮮之咸鏡平安等道者高麗也自
今開元廣寧錦義寧遠南至蓋平復州寧海又
東南跨海極朝鮮之全羅黃海忠清等道者百
濟也而新羅之境東南兼有今朝鮮慶尚江原

二道西北直至今吉林烏拉又西近開元鐵嶺
出高麗百濟之間故百濟之東北東南皆相隣
近高麗介處其中通考所云亦在高麗東南奉

使行程錄所云自咸州至同州

今開原
鐵嶺界

東望大

山即新羅界遼志所云海州

即今海城始屬百
濟後為高麗所分

復入渤海
又歸于遼

東界新羅是也唐顯慶乾封以後百

濟高麗之地多入新羅東西增九百里南北增

千餘里幅員益廣而唐人篇什往往以海外稱

者蓋西北為渤海契丹所隔必浮海往來始遼
其南境故耳洎開元元和之際渤海愈盛鴨綠
江以北皆為渤海所有遼志所謂渤海王大仁
秀南定新羅開置郡邑是也後唐清泰末高麗
復起王建襲據新羅邊邑建都松岳元史所謂
在鴨綠江東千餘里非平壤之舊者是也于是
新羅所有僅海城以東及朝鮮數道非復唐時
之境而自五代至遼傳國依然不絕也至雞林

即吉林雞與吉音既相符核諸地里亦合蓋在
龍朔時既兼二國與靺鞨渤海壤地相錯設重
鎮于此而王自領之自後相沿世襲其號雖吉
林故地旋歸渤海而都督之號仍繫新羅雞林
遂為新羅之通稱遼宋以後為高麗所併因舉
而屬之高麗若王雲之撰雞林志王熙王煦之
封雞林郡公亦皆沿其舊名耳諸史又云新羅
始保沃沮考後漢書魏志通考俱有東沃沮南

沃沮北沃沮之文無大君長邑落各自有帥而

其地或在挹婁

另條見前

夫餘之南或在挹婁之北

或屬元菟或屬樂浪或屬句驪東濱海而南接

濊所載皆朝鮮句驪及漢樂浪諸郡事則沃沮

者應即今之高集

盛京邊外東南北諸處在在有之新羅所保據毋

丘儉傳在肅慎

另條見前

界南千餘里則當在吉林

烏拉之南近長白山殆納沁庫魯訥魯諸窩

集之地歟王本百濟人金姓隋初已三十餘世
唐武德至會昌又十八世五代以後史弗能詳
至其山林盤互法令修明道不捨遺人嫻書射
史稱君子之國不虛也若休耽羅諸國並為新
羅所併其遺迹皆在今朝鮮南界云

欽定滿洲源流考卷四